

<County: Yorkshire West Riding>

<Code: L1228>

<MS reference: Northallerton, North Yorkshire County Record Office, ZFL 59>

<Text: Award>

This indenture beris wittenes that *sir* John Colvyle dyed seisyd of *certayns* Maners landes tenment³ rent³ and *servis* wyth thare Appurtenanc³ in ye Counte³ of yorke and Northumberland That is to sey of ye maner³ of heslerton@ Lutton~ Thymelby West Rowngton Aplecliff wyth ye towne of Ingylby Dale in Blakamore Sygeston@ w^t ye Appurtenance in ye county of yorke And ye Maner³ of Bodyll & Spyndelstone in ye counte of Northumberland Eftyr whose dede <ill><1 word></ill> sayd³ Maner³ lande³ tenant³ rent³ and *servises* wyth ye Appourtenanc³ dissendyd to Jsabell and Jonet sisters and heirs to ye sayd *Sir* John@ The particion@ of ye sayd³ Maner³ lande³ tenement³ rent³ and *servises* w^t thare Appurtenance be Assent and grement of Willam Fencot³ & ye sayd Jsabell his wyfe tone of ye hers of ye sayd *sir* . John And of Willam Maulenewr~ Chr~<?> & Jonet his wyfe tother of yo here of ye seyde *sir* John is put in Award and ordenance & Jugement of John@ Thwaytes and Robert Maulenerer~ als it apperes be ane obligacion@ that ye sayd Willam Fencotes is bondon~ in-to the sayd *sir* Willam@ Maulenerere in C. marces . beryng date xx . day of Decembre the 3here of kyng henry ye vj^{te} efter ye conquest ye xviiij And in sembleable wyse ye sayd *sir* Willam is bondon@ by his obligacion@ to ye sayd Willam Fencote³ in C marces beryng date beforsayd The seyde³ John Thwytes & Robert is Agreyd ordaunce³ and Awarde³ be Assent of ye parties beforsayd & as it apperis be Indenture made by the sayd parties the particion~ to be hade In ye fourme suyng That is to knowe to all maner of people that ye sayd Willam Fencote³ & Jsabell his wyfe sall hafe & holde ye manere³ of heslerton@ and lutton@ Ye Manere³ of Thymelby & west Rowngton@ wyth thare Appurtenance to ye sayde³ Willam Fencote³ & Jsabell and to ye hers of hir body begettyng@ And ye sayd *sir* Willam Maulenerer~ & Jonet his wyfe sall hafe & holde ye manere³ of Apleclyff wyth ye towne of Ingilby ye manere of Dale towne in Blakamoure the manere of Sygeston@ wyth yare Appourtenance in ye conte of yorke and ye Manere³ of Bodyll & Spyndelstone wyth ye Appourtenance in ye counte of Northumberland to ye sayde *sir* Willam



& Jonet & to ye hers of hir body be3etyn
And in fulfillyng of this Awarde trewly to be berryd the sayde3 John & Robert awarde3 ordinance3
& deme3 that the sayd *sir* Willam sall
sewe & writt <lat></lat> at ye coste3 of ye sayde3 parties And this sayd *particion*~ to be made be
the form of the sayd writt lyke
als ye lawe will the next *terme* eftyr ye date of this Awarde3 And to ye wittenes of these *indentures*
the sayde3 John@ & Robert hase
seuerally sette to *yer* seales Wrytyn@ at Ripon@ ye iiij^{te} day of May the 3here of kyng henry sext
after conquest xviiij